


Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Inspektorat prosvjetene inspekcije
Broj: UP-1-14-12-38-08506/19-12/05
Sarajevo, Juli 01. 2019. godine

AHMED IMAMOVIĆ

71 000 Sarajevo

PREDMET: *Odgovor o izvršenom inspekcijskom nadzoru na Akademiji scenskih umjetnosti i Univerzitetu u Sarajevu, dostavlja se;*

Kantonalna uprava za inspekcijske poslove Kantona Sarajevo, Inspektorat prosvjetne inspekcije zaprimio je Vašu prijavu kojom se inicira inspekcijski nadzor na Akademiji scenskih umjetnosti u Sarajevu i Univerzitetu u Sarajevu.

Postupajući prosvjetni inspektor za visoko obrazovanje izvršio je inspekcijski nadzor dana 15.05., 20.05., i 27.05.2019. godine u prostorijama Akademije scenskih umjetnosti u Sarajevu u ul. Obala Kulina bana broj 11, općina Centar, također dana 06.06.2019.godine izvršen je inspekcijski nadzor u prostorijama Univerziteta u Sarajevu u ulici Obala Kulina bana broj 7, općina Centar i tom prilikom je utvrđeno slijedeće činjenično stanje:

1. Dana 22.06.2007. godine Danis Tanović podnio je zahtjev Akademiji scenskih umjetnosti za nostrifikaciju diplome stečene na Visokom državnom institutu scenskih umjetnosti i tehnologije medija INSAS u Briselu.

Rješenjem broj: 01/05-403 od 11.07.2007.godine određena je Komisija za pripremanje prijedloga za nostrifikaciju u sastavu prof.Haris Pašović, prof.Pjer Žalica i doc. Edin Mustafić.

Komisija za pripremanje prijedloga za nostrifikaciju diplome stečene na Visokom državnom institutu scenskih umjetnosti i tehnologiji medija INSAS u Briselu, kandidata Danisa Tanovića u svom Izvještaju broj: 02-02/354-I od 12.07.2007. godine konstatirala je da diploma o visokoškolskom obrazovanju scenskih umjetnosti i tehnologije media stečena na Visokom državnom institutu scenskih umjetnosti i tehnologiji



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)
+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

medija INSAS u Briselu odgovara nivou studija visoke stručne spreme koji se stiče na Akademiji scenskih umjetnosti u Sarajevu u okviru studija režije.

Nakon toga dekan Akademije donio je Rješenje broj: 03/05-354-III od 04.09.2007. godine o nostrifikaciji kojim se diploma o visokoškolskom obrazovanju scenskih umjetnosti i tehnologije media stečena na Visokom državnom institutu scenskih umjetnosti i tehnologiji medija INSAS u Briselu, izdata 24.novembra 1997. godine, na ime Danis Tanović, priznaje kao diploma o završenom visokom obrazovanju na Akademiji scenskih umjetnosti u Sarajevu u okviru studija režije – Odsjeku za režiju, a čime se imenovanom priznaje i stručni naziv diplomirani reditelj.

Naprijed navedeno rješenje doneseno je u skladu sa Zakonom o nostrifikaciji i ekvivalenciji inostranih školskih svjedočanstava ("Službeni list SR BiH" broj 7/88). Članom 6. predmetnog zakona propisano je da nostrifikaciju i ekvivalenciju svjedočanstava o višem i visokom obrazovanju, stručnom i naučnom stepenu, kao i o završenim pojedinim godinama, semestrima, trisemestrima ili položenim ispitima vrši odgovarajuća viša škola, fakultet ili umjetnička akademija, a ako takve nema, srodna visokoškolska organizacija.

Imajući u vidu citiranu zakonsku odredbu jasno je da su fakulteti i akademije u skladu sa samim zakonom vršile nostrifikaciju svjedočanstava o završenom obrazovanju, a visokoškolska ustanova samo ukoliko nema odgovarajućg fakulteta odnosno umjetničke akademije. Ukoliko je nostrifikacija vršena od strane visokoškolske ustanove sam postupak se provodio u skladu sa Pravilnikom o načinu i postupku vršenja nostrifikacije i ekvivalencije inostranih školskih svjedočanstava, diploma ili drugih javnih dokumenata iz 2000.godine.

Inspektoru nije predodčen dokaz o uplati troškova postupka nostrifikacije diplome za Danisa Tanovića jer u skladu sa Listom kategorija registraturne građe sa rokovima čuvanja Akademije scenskih umjetnosti broj: 03-04/267 od 21.04.2011.godine rok čuvanja za "isplate platnog prometa" je 5. godina.

Dana 13. 12.2018. godine Danis Tanović podnio je zahtjev Akademiji scenskih umjetnosti broj: 04-1/895-I za ekvivalenciju ranije stečene akademske titule stečene na Visokom državnom institutu scenskih umjetnosti i tehnologije medija INSAS u Briselu.

Rješenjem dekana Akademije scenskih umjetnosti u Sarajevu broj: 01-5/440-II od 29.09.2017. godine određena je komisija za pripremanje prijedloga o ekvivalenciji ranije stečenih zvanja u sastavu : prof.dr. Mersad Čuljević, prof.Admir Glamočak, van.prof. Almir Imširević, van. Prof. Amra Bakšić – Čamo i van.prof.Aida Begić – Zubčević. Naprijed navedena komisija imenuje se na period od dvije (2) godine što je u skladu sa članom 5. stav 3. Pravilnika o ekvivalenciji ranije stečenih akademskih titula odnosno naučnih i stručnih zvanja na Univerzitetu u Sarajevu iz jula 2017. godine.

Dana 24.12.2018. godine komisija u sastavu prof.dr. Mersad Čuljević, prof.Admir Glamočak, van.prof. Almir Imširević, van. Prof. Amra Bakšić – Čamo i van.prof.Aida Begić – Zubčević sačinila je Izvještaj o provedenom postupku ekvivalencije ranije stečene akademske titule broj: 04-1/855-II , i u istom konstatovala da dodiplomski studij koji je kandidat Danis Tanović završio ekvivalent je završenom II ciklusu studija Odsjeka za režiju, a stečeno zvanje diplomirani reditelj ekvivalentno je stručnom zvanju/diplomi magistar scenskih umjetnosti – režija koja se stiče na ASU.

Nastavno – umjetničko vijeće ASU na sjednici koja je održana 27.12.2018. godine donijelo je Odluku broj: 03-5/872-III od 28.12.2018. godine kojom se usvaja Izvještaj o provedenom postupku ekvivalencije ranije stečene akademske titule podnosioca zahtjeva Danisa Tanovića.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Dana 28.12.2018. godine od strane Akademije scenskih umjetnosti u Sarajevu izdato je Uvjerenje o ekvivalenciji ranije stečenih akademskih titula, odnosno naučnog i stručnog zvanja na Univerzitetu u Sarajevu broj: 04-1/876 na ime Danisa Tanovića .

Pravilnikom o ekvivalenciji ranije stečenih akademskih titula odnosno naučnih i stručnih zvanja na Univerzitetu u Sarajevu broj: 01-4946-1/17 od 19.07.2017.godine i to članom 1. propisano je da se ovim pravilnikom uređuje postupak i kriterij ekvivalencije ranije stečenih akademskih titula odnosno naučnih i stručnih zvanja na Univerzitetu u Sarajevu, dok je članom 4. pravilnika propisano da je u postupku ekvivalencije nadležna organizaciona jedinica Univerziteta, fakultet/akademija, na kojoj je stečena akademska titula odnosno naučno i stručno zvanje.

U konkretnom slučaju Danis Tanović diplomu nije stekao na Univerzitetu u Sarajevu odnosno na Akademiji scenskih umjetnosti u Sarajevu, već je ista stečena na Visokom državnom institutu scenskih umjetnosti i tehnologiji medija INSAS u Briselu, i to 24.novembra 1997. godine.

Imajuću u vidu naprijed navedeno inspektor će djelovati rješenjem kojim se Akademiji scenskih umjetnosti u Sarajevu narđuje da se Uvjerenje o ekvivalenciji ranije stečene akademske titule za Danisa Tanovića broj: 04-1/876 od 28.12.2018.godine stavi van snage jer Pravilnikom o ekvivalenciji ranije stečenih akademskih titula odnosno naučnih i stručnih zvanja na Univerzitetu u Sarajevu tretira samo diplome stečene na Univerzitetu u Sarajevu. Također u samom Uvjerenje o ekvivalenciji ranije stečene akademske titule navodi se da je završio studij Odsjek za režiju u trajanju od IV godine na Univerzitetu u Sarajevu – Akademija scenskih umjetnosti dana 04.09.2007.godine, a što nije tačno jer je isti diplomu stekao na Visokom državnom institutu scenskih umjetnosti i tehnologiji medija INSAS u Briselu, a dana 04.09.2007.godine je doneseno Rješenje broj: 03/05-354-III o nostrifikaciji kojim se diploma o visokoškolskom obrazovanju scenskih umjetnosti i tehnologije medija stečena na Visokom državnom institutu scenskih umjetnosti i tehnologiji medija INSAS u Briselu, izdata 24.novembra 1997. godine, na ime Danis Tanović, priznaje kao diploma o završenom visokom obrazovanju na Akademiji scenskih umjetnosti u Sarajevu u okviru studija režije – Odsjeku za režiji, a čime se imenovanom priznaje i stručni naziv diplomirani reditelj, a shodno tome i da se konkurs za izbor nastavika za oblast Režija uskladi sa Zakonom o visokom obrazovanju.

2. U pogledu navoda iz prijave da se provjeri diploma redovnog profesora Mirsada Purivatre inspektoru je predočena ovjerena kopija Diplome o završenom studiju za sticanje visoke spreme na Ekonomskom fakultetu u Sarajevu broj: 6088 od 15.maja 1981. godine. Uvidom u naprijed navedenu diplomu inspektor je utvrdio da je Purivatra Mirsad dana 27.11.1980 godine završio studij sticanje visoke spreme, Odsjek poslovne ekonomije, smjer Marketing na Ekonomskom fakultetu u Sarajevu i time ispunio sve propisane uslove za sticanje diplome o visokoj spreml, kao i stručni naziv *diplomirani ekonomist*.

3.U pogledu navoda iz prijave da se provjeri status vanrednog profesora Amre Bakšić Čamo, kao i njen status kao studenta drugog ciklusa studija na Akademiji odnosno da se provjeri kako imenovana u isto vrijeme može biti i nastavnik i student II ciklusa na odsjeku Produkcija, inspektor je utvrdio slijedeće činjenično stanje:

Dana 07.10.1996.godine Bakšić Amra završila je studij za sticanje visoke stručne spreml na Odsjeku za opštu književnost i bibliotekarstvo, studijska grupa opšta književnost i bibliotekarstvo na Filozofskom fakultetu u Sarajevu i time stekla zvanje *diplomirani komparativist i diplomirani bibliotekar*.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Odlukom Senata Univerziteta u Sarajevu broj: 01-5785/15 od 30.09.2015.godine u zvanje vanrednog profesora na umjetničkoj oblasti *Produkcija* na Akademiji scenskih umjetnosti Univerziteta u Sarajevu bira se Amra Bakšić Čamo.

Nadalje, uvidom u Plan angažovnja nastavnika i saradnika u školskoj 2018/2019.godinu u ljetnom semestru na odsjeku *Produkcija* na ASU inspektor je utvrdio daje prof.Amra Bakšić Čamo odgovorni nstavnik na predmetu *Produkcija – Projekat II na odsjeku Produkcija*. Inspektoru je predočena i odluka Nastavno-umjetničkog vijeća ASU broj: 02-1/114-VIII od 26.02.2019.godine kojom se usvaja angažman akademskog osoblja u ljetnom semestru akademske 2018/2019.godine.

Uvidom u Upisni list od 18.11.2018.godine inspektor je utvrdio da je Amra Bakšić Čamo upisana kao redovan samofinansirajući student na drugi ciklus studija na Akademiji scenskih umjetnosti u Sarajevu, odsjek *Dramaturgija*.

Također izvršen je uvid u Matičnu knjigu za II ciklus studija i utvrđeno da je pod brojem dosijea 33/18 upisana Amra Bakšić Čamo, kao datum upisa navodi se 22.11.2018.godine, odsjek *Dramaturgija* i status studenta redovan samofinansirajući.

U skladu sa Planom angažovanja nastavnika i saradnika u školskoj 2018/2019.godinu na odsjeku *Dramaturgija* (I i II ciklus studija) prof.Amra Bakšić Čamo na ovom odsjeku nije angažovana kao nastavnik.

4.U pogledu navoda iz prijave da se provjeri prisustvo profesorskog kadra na predavanjima i nastavi, odnosno da se provjeri prisustvo nastavi Danisa Tanovića i Damira Šagolja, inspektor je utvrdio slijedeće činjenično stanje:

Dana 10.03.2019.godine Danis Tanović se putem e-maila obratio Pjeru Žalici dekanu Akademije sa molbom da mu se odobri dopust od 17.03.2019.godine do 30.04.2019.godine zbog snimanja filma "Postcard killing". U istom e-mailu se navodi da je sa katedrom uskladio neometano održavanje nastave u tom periodu.

Katedra za Režiju na sastanku koji je održan 15.03.2019.godine donijela je zaključak da će prof. Pjer Žalica mjenjati prof. Danisa Tanovića tokom odsustva, na predmetu Režija 10.

Na sjednici Vijeća Akademije koja je održana 22.03.2019.godine, Vijeće je donijelo Rješenje o plaćenom odsustvu broj: 03-5/182 kojim se Danisu Tanoviću, redovnom profesoru na Akademiji scenskih umjetnosti odobrava plaćeno odsustvo u periodu od 17.03. do 30.04.2019.godine.

U skladu sa Planom angažovnja nastavnika i saradnika u školskoj 2018/2019.godinu i Rasporedom nastave za ljetni semestar 2018/2019.godine inspektor je utvrdio da prof.Danis Tanović izvodi predavanja iz predmeta Režija X, dok vježbe i individualne vježbe izvodi ass. Selma Spahić na II ciklusu studija na Akademiji scenskih umjetnosti u Sarajevu i to 5 sati predavanja, 5 sati vježbi i 1sat individualnih vježbi.

Uvidom u Evidenciju o održanim predavnjima za predmet Režija X inspektor je utvrdio da je na predavanju 04.03.2019.godine bio prisutan prof. Danis Tanović, dok je na predavanjima 18.03., 25.03., 01.04., 15.04., 22.04., 29.04., 06.05., 13.05.2019.godine predavanja je održao prof.Pjer Žalica.

Nadalje, dana 13.05.2019.godine između Akademije scenskih umjetnosti u Sarajevu i Damira Šagolja zaključen je Ugovor o radu broj: 03-6/330, u skladu sa istim Damir Šagolj će obavljati poslove nastavnika u zvanju docenta za oblast Audio -vizuelene umjetnosti, isti dan je izvršena i prijava na obavezno osiguranje – Obrazac broj JS3100.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U skladu sa naprijed navedenim Ugovorom, Nastavno-umjetničko vijeće je na 11.elektronskoj sjednici koja je održana 22.05.2019.godine donijelo Odluku broj: 02-1-348-II o dopuni angažmana akademskog osoblja u ljetnom semestru 2018/2019, odnosno usvojen je angažman doc. Damira Šagolja u akademskoj 2018/2019.godini, što znači da isti prije 22.05.2019.godine nije bio angažovan u nastavi na Akademiji scenskih umjetnosti u Sarajevu.

5.Dana 29.12.2018.godine u dnevnim novinama “Oslobođenje” i na stranici fakulteta objavljen je konkurs za izbor nastavnika za oblast Audio -vizuelne umjetnosti, i izvršilac sa punim radnim vremenom.

Rješenjem broj: 01-5-36-II od 23.01.2019.godine imenovana je komisija za pripremanje prijedloga za izbor nastavnika za oblast Audio -vizuelne umjetnosti u sastavu :

- 1.prof.Erol Zubčević, vanredni profesor za oblast Audio -vizuelne umjetnosti
- 2.prof.Aida Begić - Zubčević , vanredni profesor za oblast Režija i scenarij
- 3.prof. Zijad Mehić, redovni profesor za predmet Montaža i Nove tehnologije i medija na Akademiji scenskih umjetnosti u Sarajevu.

Dana 17.01.2019. godine stručna služba ASU sačinila je izvještaj broj: 03-5/36-V u kojem se navodi da se na konkurs za izbor nastavnika za oblast Audio -vizuelne umjetnosti prijavio jedan kandidat Damir Šagolj u zvanje docenta i da je prijava potpuna i blagovremena.

Uvidom u Prijavu na konkurs broj: 03-4/23 od 10.01.2019.godine kandidata Damira Šagolja inspektor je utvrdio da je uz istu dostavljena slijedeća dokumentacija:

1. 1.Biografija – bibliografija
2. Diploma i prevod diplome Univerziteta umjetnosti u Londonu od 04.12.2012. godine kojom se Damiru Šagolju dodjeljuje zvanje magistar umjetnosti nakon što je sa uspjehom završio studijski program iz Fotožurnalizma i dokumentarne fotografije na Koledžu komunikacija u Londonu.
3. Rješenje rektora Univerziteta u Sarajevu o nostrifikaciji diplome broj: 0101-7813-1/19 od 03.01.2019.godine (magistar umjetnosti)
4. Izvod iz MKR
5. Uvjerenje o državljanstvu
6. Magistarski rad iz novembra 2012. godine.

Članom 97. Zakona o visokom obrazovanju (“Službene novine Kantona Sarajevo” broj 33/17) propisani su uslovi za izbor u umjetničkonnastavna zvanja i to c) docent: stepen drugog ciklusa studija sa prosječnom ocjenom 8 ili 3,5 na prvom i drugom ciklusu studija, veći broj uspješno javno predstavljenih oblika umjetničkog stvaralaštva i pokazani rezultati u nastavnom radu.

Imajući u vidu citiranu zakonsku odredbu jasno je da su uslovi za izbor u umjetničko nastavno zvanje završen I i II ciklus studija sa prosječnom ocjenom 8. Međutim u konkretnom slučaju kandidat Damir Šagolj prilikom prijave na predmetni konkurs nije dostavio diplomu o završenom I ciklusu studija, iz čega proizilazi da je prijava imenovanog nepotpuna, te će inspektor djelovati rješenjem kojim se Akademiji scenskih umjetnosti u Sarajevu naređuje da konkurs za izbor nastavnika za oblast Audio -vizuelne umjetnosti, i izvršilac sa punim radnim vremenom uskladi sa Zakonom o visokom obrazovanju i Statutom Univerziteta u Sarajevu.

6. Dana 06.12.2018.godine Damir Šagolj podnio je Zahtjev za priznavanje inostrane visokoškolske kvalifikacije stečene na Univerzitetu umjetnosti u Londonu u svrhu zapošljavanja u Bosni i Hercegovini.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U vrijeme podnošenja zahtjev od strane Damira Šagolja na snazi je Pravilnik o priznavanju inostranih visokoškolskih kvalifikacija ("Službene novine Kantona Sarajevo" broj 51/17), te u skladu sa članom 8. stručno priznavanje provodi visokoškolska ustanova (Univerzitet u Sarajevu) u svrhu pristupa tržištu rada odnosno zapošljavanja.

Komisija za provođenje procedure stručnog priznavanja inostranih visokoškolskih kvalifikacija u sastavu prof.dr. Aida Hodžić, predsjednik, prof.dr. Jasminka Gradašćević – Sijerčić i prof.dr. Milka Maksimović sačinila je Izvještaj broj: 0105-8309-3/18 u kojem se navodi da komisija predlaže priznavanje inostrane visokoškolske kvalifikacije (Univerzitet umjetnosti u Londonu) kao kvalifikacije koja se stiče završetkom drugog ciklusa studija visokog obrazovanja sa ostvarenih 120 ECTS bodova i to tako da u zbiru sa predhodno završenim prvim ciklusom studija visokog obrazovanja nosi najmanje 300 ECTS bodova. Također u Izvještaju komisije navodi se da je Damir Šagolj 1991. godine na Elektrotehničkom fakultetu Univerziteta u Sarajevu apsolvirao na odsjeku Automatike, nakon čega je upisao Univerzitet umjetnosti u Londonu.

Odlukom rektora Univerziteta u Sarajevu broj: 0101-8309-3/18 od 26.12.2018.godine prihvata se Izvještaj Komisije za provođenje procedure stručnog priznavanja inostranih visokoškolskih kvalifikacija Univerziteta u Sarajevu 0105-8309-3/18 od 25.12.2018.godine.

Nakon toga, rektor Univerziteta u Sarajevu donio je Rješenje broj: 0101-7813-1/19 od 03.01.2019.godine kojim se Damiru Šagolju priznaje se visokoškolska kvalifikacija magistar umjetnosti (master of arts), diploma stečena 04.12.2012.godine na Univerzitetu umjetnosti u Londonu, u svrhu zapošljavanja.

U skladu sa članom 8. stav 2. Pravilnika sekretar Komisije za provođenje procedure stručnog priznavanja inostranih visokoškolskih kvalifikacija Belma Hajradinović je 18.12.2018.godine putem e-maila uputila zahtjev Centru za informisanje i priznavanje dokumenata iz oblasti visokog obrazovanja BiH, za davanje mišljenja u vezi sa podnesenim zahtjevom Damira Šagolja.

Prema izjavi lica prisutnog nadzora Belme Hajradinović, stručni saradnik za pravne poslove Centar za informisanje i priznavanje dokumenata iz oblasti visokog obrazovanja BiH nije dostavio svoje mišljenje u vezi sa naprijed navedenim zahtjevom, te je postupak u skladu sa članom 8. stav 3. Pravilnika nastavljen.

Članom 10. Pravilnik o priznavanju inostranih visokoškolskih kvalifikacija ("Službene novine Kantona Sarajevo" broj 51/17) propisano je postupak provođenja stručnog priznavanja, u stavu (4) propisano je da stručnu provjeru vrši komisija za provođenje postupka priznavanja, a podrzujeva utvrđivanje informacija o:

- statusu i akreditaciji visokoškolske ustanove na kojoj je kvalifikacija stečena
- obrazovnom i kvalifikacijskom sistemu države u kojoj je kvalifikacija stečena
- statusu studijskog programa po osnovu kojeg je kvalifikacija stečena
- uslove upisa na studijski program po osnovu kojeg je kvalifikacija stečena.

S obzirom da se iz Izvještaja Komisije za provođenje procedure stručnog priznavanja inostranih visokoškolskih kvalifikacija na Univerzitetu u Sarajevu ne može vidjeti da je ista postupila u skladu sa citiranom odredbom pravilnika odnosno da je izvršena stručna provjera, a posebno uslov upisa na studijski program po osnovu kojeg je kvalifikacija stečena jer se u samom Izvještaju komisije navodi da je podnositelj zahtjeva 1991.godine apsolvirao na Elektrotehničkom fakultetu u Sarajevu, odnosno nema dokaza da je isti završio prvi ciklus studija.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U skladu sa naprijed navedenim inspektor će djelovati rješenjem kojim se Univerzitetu u Sarajevu naređuje da postupak stručnog priznavanja diplome Damira Šagolja provede u skladu sa odredbama Pravilnika o priznavanju inostranih visokoškolskih kvalifikacija ("Službene novine Kantona Sarajevo" broj 51/17).

Uvidom u Odluku Vlade Kantona Sarajevo o utvrđivanju cijene provođenja postupka akademskog i stručnog priznavanja inostranih visokoškolskih kvalifikacija na licenciranim i akreditiranim visokoškolskim ustanovama na području Kantona Sarajevo ("Službene novine Kantona Sarajevo" broj 1/15) inspektor je utvrdio da je članu 1. Odluke navedeno da se za stručno priznavanje kvalifikacije dodiplomskog odnosno postdiplomskog studija stečene po predbolonjskom sistemu studija kao i kvalifikacije stečene nakon završenog prvog odnosno drugog ciklusa studija uplaćuje iznos od 200,00 KM, a koji iznos je od strane Damira Šagolja i uplaćen za priznavanje inostrane visokoškolske kvalifikacije.

7.Dana 08.09.2011. godine Erol Zubčević podnio je zahtjev Univerzitetu u Sarajevu za priznavanje inostrane visokoškolske kvalifikacije stečene na Hochschule fur ferneshen und film Munchen.

U vrijeme podnošenja zahtjeva za priznavanje inostrane visokoškolske kvalifikacije za Erola Zubčevića na snazi je bio Pravilnik o priznavanju inostranih visokoškolskih kvalifikacija koji je donio Senat Univerziteta u Sarajevu 22.09.2010.godine, i koji u vrijeme vršenja inspeksijskog nadzora više nije pravno važeći.

U skladu sa članom 6. Pravilnika o priznavanju inostranih visokoškolskih kvalifikacija postupak stručnog priznavanja inostranih visokoškolskih kvalifikacija provodi Univerzitet, putem komisije koju imenuje rektor Univerziteta, komisija je stalno tijelo i sastavljena je od tri člana.

Dana 20.09.2011.godine Komisija za provođenje postupka stručnog priznavanja inostranih visokoškolskih kvalifikacija u sastavu prof.dr. Slavenka Vobornik, prof.dr. Jasminka Gradašćević -Sijerčić i prod.dr. Abedin Bikić sačinila je Izvještaj u kojem se navodi da Komisija predlaže priznavanje visokoškolske kvalifikacije (Visoka škola za televiziju i film SR Njemačka, diploma stečena 02.12.2010.godine,kao kvalifikacije koja se stiče nakon završenog studija u trajanju od četiri godine i ostvarenih 240 ECTS bodova za Erola Zubčevića.

Senat Univerziteta u Sarajevu dana 28.09.2011.godine donio je Odluku broj: 01-38-2231/11 kojom se usvaja Izvještaj komisija za za provođenje postupka stručnog priznavanja inostranih visokoškolskih kvalifikacija od 20.09.2011.godine.

Rješenjem rektora Univerziteta u Sarajevu broj: 0101-38-2431-12/11 od 03.10.2011. godine, Erolu Zubčevuću priznaje se visokoškolska kvalifikacija „Diplomzeugnis her Hochschule fur Fernsehen und Film in Studiengang Kino – und Fernsehfilm Schwerpunkt Kamera – audiovizuelni umjetnik – filmski i TV snimatelj”, stečena 02.12.2010.godine na Hochschule fur Fernsehen und Film Munchen, SR Njemačka, u svrhu zapošljavanja u Bosni i Hercegovini, i vrednuje se kao diploma koja se stiče nakon završenog I ciklusa studija u trajanju od četiri godine i ostvarenih 240 ECTS bodova.

Odlukom Upravnog odbora Univerziteta u Sarajevu broj: 02-14-602/11 od 24.05.2011.godine utvrđuje se naknada za provođenje postupka priznavanja stranih visokoškolskih kvalifikacija na Univerzitetu u Sarajevu u iznosima:

- stručno priznavanje – 200,00 KM
- akademsko priznavanje – 300,00 KM.

Uz prijavu za stručno priznavanje Erol Zubčević priložio je i uplatnicu na iznos od 200,00 KM.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Imajuću u vidu da je u vrijeme donošenja o priznavanju inostrane visokoškolske kvalifikacije za Erola Zubčevića na snazi bio Pravilnik o priznavanju inostranih visokoškolskih kvalifikacija koji je donio Senat Univerziteta u Sarajevu 22.09.2010.godine, koji je donošenjem Pravilnika o priznavanju inostranih visokoškolskih kvalifikacija ("Službene novine Kantona Sarajevo" broj 51/17) stavljen van snage, to bi eventualno djelovanje inspektora u konkretnom slučaju bilo retroaktivno.

8.Nadalje inspeksijskim nadzorom utvrđeno je da Univerzitet u Sarajevu vodi registar zaprimljenih i rješениh zahtjeva za priznavanje inostranih visokoškolskih kvalifikacija, ali isti ne sadrži sve podatke propisane u članu 20. Pravilnik o priznavanju inostranih visokoškolskih kvalifikacija ("Službene novine Kantona Sarajevo" broj 51/17), te će inspektor djelovati rješenjem kojim se Univerzitetu u Sarajevu naređuje da uspostavi i vodi registar u skladu sa Pravilnikom.

9.U perodu od 2010.godine do dana vršenja inspeksijskog nadzora Akademija scenskih umjetnosti donijela je ukupno dva rješenja o akademskom priznavanju inostrane visokoškolske kvalifikacije iz 2017.godine i 12 Uvjerenja o ekvivalencije ranije stečene akademske titule, odnosno naučnog i stručnog zvanja na Univerzitetu u Sarajevu, za sve je izvršena uredna uplata troškova postupka.

Kantonalni prosvjetni inspektor za visoko obrazovanje



Dostavlja se:
1. Naslovu
2. a/a



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb